



#### Dr. Aini dilantik TNC Akademik dan Antarabangsa UPM



*Prof. Datin Paduka Khatijah Mohd Yusoff (kiri) dan Prof. Datin Paduka Dr. Aini Ideris (kanan)*

**SERDANG, 23 Dis** – Mantan Dekan Sekolah Pengajian Siswazah Universiti Putra Malaysia (UPM), Prof. Datin Paduka Dr. Aini Ideris dilantik sebagai Timbalan Naib Canselor (Akademik dan Antarabangsa) yang baru mulai 1 Disember lalu selama tiga tahun oleh Kementerian Pengajian Tinggi (KPT).

Perlantikan Dr. Aini Ideris menggantikan mantan rakan sejawatnya, Prof. Datin Paduka Khatijah Mohd Yusoff yang kini berkhidmat sebagai Timbalan Ketua Setiausaha Kementerian Sains Teknologi dan Inovasi (MOSTI).

Beliau yang ditemui untuk memberi reaksi perlantikan berazam untuk meningkatkan prestasi akademik UPM di peringkat universiti, negara dan antarabangsa.

"Saya berharap dapat meningkatkan keupayaan staf akademik UPM dari segi kapabiliti, pengetahuan, prestasi kerja dan penerbitan jurnal berimpak tinggi," katanya.

Beliau berkata akan meningkatkan jaringan industri yang lebih luas dengan universiti terbuka luar negara melalui perkongsian pembelajaran dan pengajaran.

Dr. Aini mendapat ijazah Doktor Perubatan Veterinar dari Universiti Pertanian Malaysia pada tahun 1979 dan terus berkhidmat sebagai tutor di UPM, mendapat Sarjana Sains Veterinar (MVSc) dari University of Liverpool, England pada 1981 serta ijazah Doktor Falsafah dari UPM dan University of Queensland, Australia pada tahun 1989.

Beliau juga telah menghasilkan sebanyak 400 penerbitan artikel dan menganggotai sidang editorial beberapa jurnal tempatan dan antarabangsa.

**Disediakan oleh Seksyen Media dan Publisiti, Bahagian Komunikasi Korporat, UPM.**